



# Oh Ní:tsi Taionnitiohkwakén:ni Kahiatónhsera

**Kentenhkó:wa  
6 tánon 7, 2021 Kanatakón:ha  
Tewannitiohkwakénnion**

Karihwakweniénston tekawennaténion

Kaná:takon tentewanitiohkwakénnion  
**Kentenhkó:wa 6 tánon 7, 2021** nè:'e  
tenkaia'tó:rehte ónhka enienatakwe'niióhake  
tánon enietsenháiénsheke ne kaná:takon tánon  
tsi watená:tate nonkwá:ti.

Tsi niká:ien **103 niiá:kon** enietsiia'tará:ko ne  
kí:ken Kentenhkó:wa ne se' wáhi **eniontá:ti**  
**ne sarihwà:ke** tsi niió:re 2025. Enioiáneren'se  
wáhi ne Tiohtià:ke aó:wen tsi wa'kenhá:tie tsi  
tenhsanitiohkwakén:ni.

Entà:'on **eniorihwahní:ron eniehsén:narake ne**  
**teionnitiohkwakenniè:tha kahiatonhserà:ke**  
néne tsi niká:ien enionská:neks  
taionnitiohkwakén:ni.



## SERIHWAHNÍ:RAT

### Ónhka enwá:ton teionnitiohwakén:ni ne kanatakón:ha tewanitiohwakénnion aorihwà:ke?

Ne aón:ton taionnitiohwakén:ni, entà:'on eniontathsenninon'te ne teionnitiohwakénniè:tha kahiatonhserà:ke, entà:'on 18 tóka' ísi' nón:we nentiakoién:take ne Kentenhkó:wa 7, 2021, tánon entà:'on enieié:rite ken' nikarihò:tens ne Seskehkó:wa 1, 2021.

- Entà:'on Korahró:n non enieia'to'ténhake;
- Iah akò:ren thaie'nikòn:rarak ne akorihwa'shòn:'a;
- Tho: - **Tiohtià:ke enie'terón:take** tánon Québecne arà:ne ne 6 niwenhni:take; tóka'ni
  - enieia'takwe'niióhake ne ok nikanonhsò:ten tóka'ni ne iontenhniòn:tha Tiohtià:ke nonkwá:ti arà:ne ne 12 niwenhni:take.

### Oh ní:tsi enhserihwahní:rate tsi satathsenninon:ton ne tahsanitiohwakén:ni?

Sewennahnó:ton ne è:neken nonkwá:ti karì:ware *Wathó:ri tsi Sataweià:ton* néne iá:onte ne kèn:'en kahiatonhserà:ke. Tóka' enhthsén:narake, satathsenninon:ton se' ne tahsanitiohwakén:ni.

Enwá:ton ó:ni **enhsátkené tsi satathsenninon:ton** a'arà:ke ne ken' nón:we [elections.montreal.ca](http://elections.montreal.ca).

Ne tahsanitiohwakén:ni, entà:'on eh entehtsén:narake ne kanatakón:ha tewanitiohwakénnion kahiatonhserà:ke.



## TSI IONTATHSENNINIÒN:THA

### Oh néhnsiere tsi enhsatathsenninon'te ne kanatakón:ha tewanitiohwakénnion kahiatonhserà:ke tóka'ni enhsáttoke thé:nen ne iah tetkaié:ri ne *Wathró:ri tsi Sataweià:ton* nonkwá:ti?

**Ronhiatonsheratken:sas Raotitiohkwa** raotihén:ton ia'ténhsta'ne kátkek tsi na'tekiátere ne Kenténha 12 tánon 18 2021. Kèn:'en kanerotshera:kon karátie ne Ronhiatonsheratken:sas Raotitiohkwa ratihsennarónnion.

**Ohná:ken ne Kenténha 18, 2021, iah thaonsón:ton ahsatathsenninon'te** ne tahsanitiohwakén:ni.

### Tóka' Tiohtià:ke tehsi:teron tánon iah tewá:tons káneka iáhse nè:'e iorihonni:'on tsi ok nahò:ten sonnhaksà:ton: Oh ní:tsi enhsatathsenninon'te?

Ia'senatà:ra ne [elections.montreal.ca](http://elections.montreal.ca) tsi teiota'á:raton tánon tehshna'netásko ne *lontathsenninon'tákhkwa* ne *Aonhiatonhseratken'séhake* ne *Ónhka lotòn:'on Taionnitiohwakén:ni* kahiatónhsera.

Sathiatónhserik tánon sasaténnieht skátne ne tekontén:ro sahiatonhsera'shòn:'a.

Entà:'on enhatié:na ne Tiohtià:ke Tewanitiohwakénnion ká:ron ne Kenténha 18. 2021. Se'nikòn:rarak to nikari:wes tsi niió:re eniakwaié:na ohén:ton ne tho nikahá:wi.

### Tóka' karihwahsenton'kéha iakokstén:ha tsi iontenthákhwa tehsi:teron, tsi iontate'nikonhrarákhkwa tóka'ni ne ó:ia iorihwanòn:weht waterihwahtentià:ton: Oh ní:tsi enhsatathsenninon'te?

Ia'senatà:ra ne [elections.montreal.ca](http://elections.montreal.ca) tsi teiota'á:raton nahsátken'se ka' níká:ien **iorihwanòn:weht waterihwahtentià:ton** tánon serihwatásko ne *lontathsenninon'tákhkwa* ne *Aonhiatonhseratken'séhake* ne *Ónhka lotòn:'on Taionnitiohwakén:ni* kahiatónhsera.

Tehshna'netásko tánon sathiatónhserik. Sasaténnieht skátne ne tekontén:ro tekahna'netákhkwen kahiatonhsera'shòn:'a tóka'ni ne tseià:ta iesarihwahnirá:ti néne tsi tehsi:teron tiakoió'te.

Entà:'on eniakwaié:na sahiatónhsera **ohén:ton ne Kenténha 18. 2021**. Se'nikòn:rarak to nikari:wes tsi niió:re ién:wawe tsi nón:we tetiotonhwentsóhon.

Enwá:ton ó:ni ne Ronhiatonhseratken:sas Raotitiohkwa raotihén:ton ia'ténhsta'ne tsi na'tekiátere ne 12 tánon 18, 2021. Teseni:teron tóka'ni tsatátenonhkwe enwá:ton enié:ion'te ne iontathsenninon'tákhkwa ne sarihwà:ke.



## NE NAHÒ:TEN TEIOTONHWENTSÓHON ENSATERIÈN:TARAKE

### Kátke tenhsanitiohwakén:ni?

Tékeni ahia'kserakèn:iate kon'tatiéhson enwá:ton tenhsanitiohwakén:ni.

**Iahià:khaton, Kenténha 30** tánon **Tsatákhkhaton Kenténha 31, 2021** enwaterihwahtén:ti ne **Ohén:ton teionnitiohwakénnies**, 9:30 ohrhon'ké:ne tsi niió:re 8:00 o'karahsnéha.

**Iahià:khaton Kentenhkó:wa 6** tánon **Tsatákhkhaton Kentenhkó:wa 7, 2021** thò:ne ne tsi niwenhniserò:ten's enwá:ton tenhsanitiohwakén:ni, 9:30 ohrhon'ké:ne tsi niió:re 8:00 o'karahsnéha.

### Ka' nón:we tenhsanitiohwakén:ni?

Í:satst ne **"Ka' nón:we tenkanitiohwakén:ni?"** eh tiotsíhkote tsi nón:we ne [elections.montreal.ca](http://elections.montreal.ca).

Tohkára nienhstsihkwa:reke, thò:ne enwá:ton enhsetshén:ri tsi nón:we tenhsanitiohwakén:ni.

*Iakehiahrástha Kahiatónhsera* ienhonwanatenniéhten néne tsi níká:ien iakotathsenninon:ton tsi niwenhniserò:ten's ohén:ton ne ohén:ton tewanitiohwakénnion.



**Tóka' iah thahskwé:ni ahsia:ken'ne tsi iah tesata'karite tóka'ni she'nikòn:rare néne tsei:ta í:ienhre taionnitiohkwakén:ni ne iah thaón:ton aieia:ken'ne: Oh ní:tsi tenhsanitiohkwakén:ni?**

Enwá:ton tsi iehiatonhseratakwáthha ienhsaténniehte tsi tenhsanitiohkwakén:ni tóka' iah tesakwénion ahsia:ken'ne tsi iah tesata'karite, ne ó:n ne iesa'nikòn:rare (néne skátne seni:teron).

Ne áhsion'te ne karihwanón:ton ne tsi iehiatonhseratakwáthha nonkwá:ti, [elections.montreal.ca](http://elections.montreal.ca) nonkwá:ti sathiatónhserik tóka'ni ia'satewennáta ne 514-872-VOTE (8683) nonkwá:ti.

Ohén:ton ne Kenténha 27, 2021 entà:'on enkaion:ton tóka' íhsehre ahserihwanón:ton tsi tenhsanitiohkwakén:ni ne tsi iehiatonhseratakwáthha nonkwá:ti.

**Tóka' karihwahsehton'kéha iakokstén:ha tsi iontientákhwa tehsi:teron, tsi iontate'nikonhrarákhwa tóka'ni ó:ia iorihwanón:weht ionterihwahtentia'tákhwa: Oh ní:tsi tenhsanitiohkwakén:ni?**

Enwá:ton tsi iehiatonhseratakwáthha iahsaténniehte tsi tenhsanitiohkwakén:ni ká:ron ne Kenténha 27, 2021.

Tsi iehiatonhseratakwáthha tsi iewatenniéhton tsi tewanitiohkwakénion tetsonaktákhwen ne konté:seres tsi teionnitiohkwakenniè:tha.

Enwá:ton tentewatátken tsi tenhsanitiohkwakén:ni enhserá:ko tsi nón:we wathró:ri ne sá:wen lakehiahrástha Kahiatónhsera, ensahiatonhseró:ta'se ohén:ton ne iosnore'kéha teionnitiohkwakénnies.

**Ok ken nenká:iere ne COVID-19 ne oh ní:tsi tenkanitiohkwakén:ni?**

Tsi tetionnitiohkwakenniè:tha iakwarihwáhsere ne oh ní:tsi eniontate'nikòn:raren tsi niaakota'karite ronathró:ri ne ohén:ton rón:nete ne onkwe'ta'kéha ata'karitéhtshera.

Tóka' entà:'on enhsatatewehnó:ten néne COVID-19 enkarihón:ni, enwá:ton tsi iehiatonhseratakwáthha iahsaténniehte tsi na'tekiáttere ne Kenténha 17 tánon 27, 2021. Enwá:ton iahsaterihwániehte kí:ken tsik tóka' enhsathiatónhserike ne [elections.montreal.ca](http://elections.montreal.ca) nonkwá:ti tóka'ni 514-872-VOTE (8683) nonkwá:ti ienhsatewennáta.

Tsi niaá:kon iakotatewè:note néne COVID-19 iorihonni:'on tánon ionská:neks ne Ronthiatonsheratkén:ses Raotitíókhwa raotihén:ton ia'taié:ta'ne entà:'on ohén:ton entiehiá:ton tsi enierihwanón:ton niá:we. Kenténha 18, 2021 7:00 o'karahsnéha eh ió:to'kte naiakwaié:na ne wathiatonhseratkén:se karihwanón:ton.

**Ónhka enwá:ton tsi iehiatonhseratakwáthha iaionténniehte tsi tenionnitiohkwakén:ni?**

Iorí:wase nen' nè:'e naierá:ko ne tsi iehiatonhseratakwáthha iaionténniehte tsi tenionnitiohkwakén:ni néne:

- eh tiè:teron tsi nón:we iorihwanón:weht ne iakokstén:ha tsi iontientákhwa ne Tiohtia:ke nonkwá:ti;
- iah teiakokwénion aieia:ken'ne tsi tenionnitiohkwakén:ni, tókáni she'nikòn:rare ónhka eh ní:ioht néne skátne seni:teron;
- tóka' satatewè:note néne COVID-19 iorihonni:'on.



**Oh ní:tsi enkatateweiennén:ta'ne ne takanitiohkwakén:ni?**

Néne ohén:ton tehonwatitastá:ne ratihsennarónnion tsi tehsi:teron teionnitiohkwakenniè:tha tsi watená:tate eh tká:ien [elections.montreal.ca](http://elections.montreal.ca).


Ne Tsi tetionnitiohkwakenniè:tha, entà:'on éhnsatste ne teiontkonhsahnhákstha tóka'ni ó:ia kakonhsó:roks.

Entà:'on ken' nikarihwésha enhserí:si tsi tesatkonhsáhnhen ne akwaién:tere'ne.

**Ne tahsanitiohkwakén:ni, entà:'on enhshá:wake:**

- teiontkonhsahnhákstha tóka'ni ó:ia ioweienston kakonhsó:roks;
- énska kahón:tsi tóka'ni orón:ia ohiatónhkwa tóka'ni ne oharennáhta ohiatónhkwa;
- sá:wen Québecnéha kaia'takehnháhtshera kahiatónhsera, Korahnéha teieristiiá:kstha kahiatónhsera, kahiatonhserahnirá:ton tsi sonkwehón:we tóka'ni ne Korahnéha Ronterí:ios kahiatónhsera.

**Watiénston ná:iontste** akwé:kon ne tsi tetionnitiohkwakenniè:tha. Tetewahthá:ren ne ísi' nón:we ahseweientéhta'ne oh ní:tsi ahserihwaierithon tsi tenhsanitiohkwakén:ni.



**Íhsehre ken aiesaió'ten tsi nón:we ne kanatakón:ha tewanitiohkwakénion kanèn:rakon? Ken' nénhsiere:**

É:so iontakariá:kis tsi iakoió'te ká:ien ne Kenténha 30 tánon 31 tánon ne Kentenkhó:wa 6 tánon 7, 2021.

Tsé:rit ne a'ara'kéha iontathseniníon'tákhwa kahiatónhsera (O'seronni'kéha kawennontákhwen).

Teiotionhwentsóhon, 16 tóka'ni ísi' nón:we nentisaién:take, onkwe'ta'kéha kaia'takehnháhtshera tsi niothiá:ton enhshá:wake, tánon entà:'on ioterihwahnrá:ton a'ara'kéha tsi iehiatonhseratakwáthha enhshá:wake.

**TETEWATHÁ:REN**

☎ 514 872-VOTE (8683)

✎ [elections.montreal.ca](http://elections.montreal.ca)

✉ [elections@montreal.ca](mailto:elections@montreal.ca)

👤 Tetewatátkens: Énska tsi nón:we ne 25 ní:kon ienhtákhwa ne Elections Montréal

TAKWÁHSERE

